

RM700 juta jaga kebajikan pekerja

Kemalangan
perjalanan
melibatkan
kematian, hilang
upaya dan
kecederaan

Oleh SITI ZUBAIDAH
ZAKARAYA
SUNGAI PETANI

Pertubuhan Keselamatan Sosial (Perkeso) membela nak an sebanyak RM700 juta yang melibatkan kemalangan perjalanan memabatkan kematian, hilang upaya dan kecederaan kepada pekerja sepanjang tahun lalu.

Timbalan Menteri Sumber Manusia, Mustapha Sakmund

berkata, jumlah itu dilihat cukup besar, namun yang lebih mendukacitakan apabila ia turut memberi impak psiko-sosial kepada masyarakat.

Menurutnya, kehilangan ahli keluarga, insan tersayang dan rakan sekerja tidak dapat diganti dengan wang ringgit termasuk kerugian dari segi ekonomi, produktiviti, malah kepada majikan.

"Saya menggesa semua majikan perlu memberi perhatian serius untuk memastikan keselamatan pekerja pada tahap yang terbaik dan mendapatkan jaminan keselamatan," katanya.

Beliau berkata demikian ketika melancarkan Program Advokasi Pencegahan Kemalangan dan Promosi Kesihatan Perkeso 2023 di Lotus's Jalan Bakar Arang di sini pada Sabtu. Mustapha menjelaskan program pencegahan yang dilaksanakan di premis majikan seperti hari ini adalah amat bertepatan dan wajar.



Mustapha (depan, empat dari kanan) ketika melancarkan Program Advokasi Pencegahan Kemalangan dan Promosi Kesihatan Perkeso 2023 di Lotus's Jalan Bakar Arang, Sungai Petani, Kedah pada Sabtu.

"Saya difahamkan, program tersebut turut menggerakkan komponen di bawah Ops Cegah yang dikendalikan oleh Perkeso, antaranya memberi tumpuan terhadap program pencegahan kepada majikan dikenali pasti merekodkan ke-malangan tinggi dan ke-

mudiannya menyasarkan penurunan kadar kemalangan. "Ia turut memberi tumpuan kepada kawasan yang telah dikenali pasti oleh Polis Diraja Malaysia (PDRM) sebagai kawasan kerap berlaku ke-malangan jalan raya," kata beliau.

Tambah Mustapha, Perkeso bersama 573 rakan majikan lain di Malaysia proaktif dalam menggerakkan Vision Zero iaitu satu pendekatan global yang diguna pakai bagi mencegah kemalangan dan mempromosikan penjagaan kesihatan dalam kalangan pekerja.